



Jumat, 03 Juni 2022

Ogen: Kuan-Kuanen 16:11



Bujur Bas Perminagan



Ugana, ndatken untung dingan ertambah-tambah pelanggan. Enda me sura-sura si lit bas pusuh kalak sierbinaga. Uga carana? Erbage-bage usaha sinilakoken, terlebih zaman sigenduari bisnis e dem bas persaingat ketat. Melala perdagangan ilakoken secara on line. Erlumba muat erga si termurah, pelayanan terbaik, kualitas barang terbaik ras sidebanna. Promosi pe ilakoken la terjeng secara langsung rikut-ikut pe arah kemajuan tekhnologi media sosial iembarken kerna promosi-promosi si bage rupana.

"Ate Tuhan maka bujur min kalak bas perbinagan, subuk i bas make sukat-sukat bage pe timbangan." Salomo ngatakan penting kel make sukat-sukat timbangan si bujur. Timbangan e enggo itetapkan jadi ikuten nandangi kerina kalak, mekatep iubah sierbinaga guna kepentingan pribadi. Konsumen jadi korban arah timbangan sinipake e alu tujuan ndatken untung alu timbangan si la tuhu. Terlebih bangsa Israel bas paksa e terkenal negara perdagangan siberkembang alu cepat. Bas perkembangan enda me iajuk segelah tetap make sukat si bujur. Bujur ertina adil, akurat, jujur ras sidebanna. Perinsip sibagenda me arus tetap igelem bas peradagangan. Si enda pe nuduhkan prinsip nggeluh kalak sierkemalengen man Dibata. Kata enda pe enggo rusur iorati, tapi ateta la terjeng iorati. Nilai-nilai kejujuren e arus tetap ipertahanken. Terlebih bas 5 orat nggeluh siituliskan bas GBP ngatakan maka kejujuren enda arus sibiasaken jadi sada orat ngeluh selaku warga GBKP. E simbedaken kita ras doni enda (integritas).

Teklah maka kejujuren e meherga dingan mehaga. Mabai bana kari kalak sinukur piahna jadi pelanggan pe. Bas tanggal 3 Juni iperingeti jadi wari pasar modal Indonesia, alu pengarapen maka kerina sierdagang e tetap makeken sukat-sukat si bujur bas ngelakoken perdagangan. Pedangang pe untung konsumen pe puas.



Blank writing area with a light blue background and a wavy top edge.